

تورک یوردی

ناشری : تورک یوردی

مدیری : آق چوره اوغلی یوسف

۱۳۳۰ صائی ۱۵ ۸ کانون نائی ۱۳۳۰ ییل ۳ جلد ۷ صائی ۷۵

کتابیات

اوزون فردوسی (فردوسی رومی)

نظم کلامده صاحب ارتجال، اهل کمال بر شاعر اولوب (بروسه لی) در .
 علی الاصول اکمال تحصیلدن سوکرا تاریخ و محاضرات ایله توغل ایدرک بو
 میانده حکمت، هندسه، نجوم ایله ده اشتغال ایتدی. استانبوله کلدیکنده پادشاه
 زمان اولان (سلطان بایزید ثانی) نیک امریله (سلیمان) علیه السلامک احوال
 و مناقبندن باحث قسم انظمی منظوم اولمق اوزره تألیفته باشلادی (سلیماننامه) سی
 اکمال ایدرک تقدیم ایتمش سه ده - هر زمانده اکیسک اولمیان رقباتک ده سعایتله -
 اومدینی قدر مظهر قبول اوله مایوب مرکب اولدینی (۳۶۰) جزؤدن آنجاق
 (۸۰) جزئی انتخاب ایدیلدیکنه متأثر اولدی. وشکایت آمیز بر منظومه یازارق
 (ایران)، کیدوب بر مدت سوکرا اوراده ارتجال ایلدی. متویاتنک اکثری
 معنیدار و روحنازدر. آناری:

۱ - سلیماننامه: (۳۶۰) جزؤدن و (۴۹۹) مجلسدن مرکب جسیم بر
 اثر اولوب بعض جزؤلری (استانبول) کتبخانه لرده وارد. ایستندن:

حمد ایدم جان و دلدن اول مجده بی حساب مهرایدر سه بیای سلیمان نختته مرکب اولور
 بولدی خلقت کن دیمکله چرخ ماه آفتاب فهرایدر سه قوم نوحی غرقه و بر بحر آب

۲ - مرامشورنامه: مستشرقیندن (بارون اشلاختا اوقنار) معرفتیه
 (ویانه) ده طبع اولوندینی کبی بر قسمی ده مؤخرآ (روما) ده طبع ایدلمشدر.

۳ - شطرنج نامه کبیر: بر نسخه سی (نور عثمانی) کتبخانه سنده موجود
 اولان بو اثرینی (۹۰۹) تاریخده (بالیکسر) ده تألیف ایتدیکنی و قرق قادار
 مؤلفات سائره سی ده اولدییقی بیان ایدیور

۴ - قطب نامه - قصه میریللی: ونیدیک و فرانسلرک (میدیللی) آلمنه
 هجو ملری میین تاریخی و منظوم بر اثر اولوب بر نسخه سی (غلطه مولویخانه سی)
 کتبخانه سنده وارد.

۵ - میات و مہات : اخلاق و تصوفدن باحث فارسیدن مترجم منشور بر اثر اولوب بر نسخہ سی (بشکطاش) ده (یحیی افندی) کتبخانہ سندہ موجوددر. بو اثرینک باش طرفلرندہ یالمناسبہ (سلیمان نامہ کبیر) ینک (۸۲) نجی جزئی اتمام ایتدیکنی یازییور .

۶ - ینرنامہ انہرطرنہ : حفظ الصحہ یہ دائر اوافق قطعہ ده مترجم بر اتردر. صنایع نفیسہ اسلامیہ شعباتندن اولان (صنعت خط) مدہ واقف اولدیغنه خط دستیقلہ محرر اولوب نسخہ سی (موزہ هایون) کتبخانہ سندہ موجود اولان (گلستان) شاعدر. نہایتندہ کی کتبہ سندہ اسمی : (الیاس بن خضر المتخلص بالفردوسی) دیہ یازییور .

انتخاب مسکن خصوصندہ (لطیفی) تذکرہ سندہ کی مندرج مثنویسندن :

کل ای واضع ابیت سوزون حکیمک	دیلرسک وضع ایدرسک بر عمارت
اکر کیم وار ایسه طبع سلیمک	اکر کوی واکر شهر و ولایت

کریک سیر ایایه سک یر یوزندہ	بولاسین بر یری کیم اولہ عالی
یورویہ سک یوجہ سندہ دوزندہ	شمالندن بکا اولہ جبالی

آجیق اولہ ولی غربی هوا سی	دوشہ بر اولو صو غربی یاتنه
اوکی صحرا و طاغ اولہ وراسی	یورویہ آندہ صندلله سفینه

یوزوندن هر چن بحرك اسه ر دغ
ویره انفاسی اول آرایه تروغ

چنکل کوی ل ۲۱ تشرین ثانی سنہ ۱۳۳۰

بررسی محمد طاهر